

Solicitudes de información medioambiental

Procedemento para a obtención de información medioambiental que obre en poder de ENAIRe.

Obxecto

O dereito á información medioambiental está regulado pola Lei 27/2006, de 18 de xullo, pola que se regulan os dereitos de acceso á información, de participación pública e de acceso á xustiza en materia de medio ambiente.

A través deste servizo facilítase ao cidadán a obtención de información ambiental que obre en poder de ENAIRe, coas excepcións que contempla o artigo 13 da Lei 27/2006.

Normativa

Lei 27/2006, de 18 de xullo, pola que se regulan os dereitos de acceso á información, de participación pública e de acceso á xustiza en materia de medio ambiente (incorpora as directivas 2003/4/CE e 2003/35/CE).

Quen o pode solicitar

Calquera persoa física ou xurídica, así como as súas asociacións, organizacións e grupos; requisito suficiente para adquirir, para os efectos do establecido no título II da Lei 27/2006, a condición de interesado.

Forma de iniciación

A pedimento do interesado.

Órgano que resolve o procedemento

División de Calidade e Medio Ambiente

Prazo máximo para resolver e notificar

Con carácter xeral, un mes desde a recepción da solicitude no rexistro.

Se o volume e a complexidade da información son tales que resulta imposible cumprir o prazo antes indicado, dous meses desde a recepción da solicitude no rexistro. Neste suposto o solicitante deberá ser informado, no prazo máximo dun mes, de toda ampliación daquel, así como das razóns que o xustifican.

Recursos

O público que considere que un acto ou, se é o caso, unha omisión imputable a unha autoridade pública vulnerou os dereitos que lle recoñece a Lei 27/2006 en materia de información e participación pública poderá interpor os recursos administrativos regulados no título V da Lei 39/2015, de 1 de outubro, do procedemento administrativo común das administracións públicas, e demais normativa aplicable e, se é o caso, o recurso contencioso-administrativo previsto na Lei 29/1998, de 13 de xullo, reguladora da xurisdición contencioso-administrativa.

Requisitos para realizar a solicitude

A tramitación deste procedemento non require a achega de documentación específica, só a presentación da solicitude no rexistro de entrada ou a través desta sede electrónica.

Presentación da solicitude

Presentación electrónica (persoas físicas e obrigadas a relacionarse electronicamente coa Administración —art. 14 Lei 39/2015), a través desta sede electrónica:

- Acceso mediante cl@ve

Presencialmente (só para persoas físicas).

Presentando a solicitude e a documentación asociada na Oficina de Atención en Materia de Rexistro de ENAIRE situada na Avda. de Aragón, 330 – Edificio B - 28022 Madrid

En calquera das demais dependencias contempladas na Lei 39/2015, de 1 de outubro, do procedemento administrativo común das administracións públicas:

- Nos rexistros electrónicos e oficinas de asistencia en materia de rexistros de calquera órgano administrativo, que pertenza á Administración xeral do Estado, ás administracións das comunidades autónomas, ás entidades que integran a Administración local ou ao sector público institucional.
- Nas oficinas de Correos, na forma que regulamentariamente se estableza.
- Nas representacións diplomáticas ou oficinas consulares de España no estranxeiro.
- En calquera outro que establezan as disposicións vixentes

Protección de datos

Responsable do tratamento: ENAIRE.

Finalidade: tramitar e xestionar as solicitudes de información ambiental.

Lexitimación: o tratamento dos datos baséase na normativa ambiental.

Destinatarios: os datos non serán cedidos a terceiros agás obriga legal.

Dereitos: acceder, rectificar e suprimir os datos, así como outros dereitos, ante a Unidade Central de Protección de Datos de ENAIRE (UCPD) - Avda. de Aragón 330 - Edificio B - 28022 MADRID (Madrid), ou a través da sede electrónica (sede.enaire.gob.es).

Información adicional: poderá consultar a información adicional no Anexo I – Información adicional – Protección de datos.

Anexo I – Información adicional – Protección de datos.

Responsable do tratamento

Identidade: ENAIRE – NIF: Q2822001J

Enderezo postal: Avda. de Aragón, 330 - Edificio B - 28022 Madrid

Teléfono: 913 21 02 11

Enderezo electrónico: informacion@enaire.es

Delegado de protección de datos (DPD): ucpd@enaire.es

Finalidade do tratamento

Finalidade: os datos persoais obtidos a través do presente documento serán tratados coa finalidade de tramitar e xestionar as solicitudes de información ambiental.

Prazos de conservación: os previstos pola lexislación aplicable con respecto á prescrición de responsabilidades.

Lexitimación

O tratamento dos datos baséase no artigo 6.1.c) do RXPd: normativa ambiental (Lei 27/2006, de 18 de xullo, pola que se regulan os dereitos de acceso á información, de participación pública e de acceso á xustiza en materia de medio ambiente —incorpora as directivas 2003/4/CE e 2003/35/CE).

Destinatarios

Os datos non serán cedidos a terceiros, agás obriga legal. Non están previstas transferencias a terceiros países ou a organizacións internacionais.

Dereitos

As persoas afectadas teñen dereito a:

- Obter confirmación sobre se ENAIRE está tratando os seus datos persoais.
- Acceder aos seus datos persoais, así como solicitar a rectificación dos datos inexactos ou, se é o caso, solicitar a supresión cando, entre outros motivos, os datos xa non sexan necesarios para os fins para os que foron obtidos.
- Solicitar en determinadas circunstancias:
 - A limitación do tratamento dos seus datos, en cuxo caso só serán conservados por ENAIRE para o exercicio ou a defensa de reclamacións.
 - A oposición ao tratamento dos seus datos, en cuxo caso ENAIRE deixará de tratar os datos, salvo por motivos lexítimos imperiosos ou o exercicio ou a defensa de posibles reclamacións. Incluído o tratamento dos seus datos para decisións individuais automatizadas.

Os dereitos poderanse exercitar ante a Unidade Central de Protección de Datos de ENAIRE (UCPD) - Avda. de Aragón 330 - Edificio B - 28022 Madrid ou a través da sede electrónica (sede.enaire.gob.es).

Se no exercicio dos seus dereitos non foi debidamente atendido poderá presentar unha reclamación ante a Axencia Española de Protección de Datos – Enderezo: C/ Jorge Juan, 6 - 28001 MADRID (Madrid) – Sede electrónica: sedeagpd.gob.es.